

AUGLÝSING

um breytingar á starfsleyfum fyrir atvinnurekstur sem getur haft í för með sér mengun.

1. SR-mjöl.

Hollustuvernd ríkisins hefur gefið út breytingu á starfsleyfi fyrir SR-mjöl, Aðalbraut 16-22, 675 Raufarhöfn, kt. 560793-2279.

2. Hraðfrystistöð Þórshafnar hf.

Hollustuvernd ríkisins hefur gefið út breytingu á starfsleyfi fyrir Hraðfrystistöð Þórshafnar hf., fiskmjölsverksmiðju, Þórshöfn, kt. 630169-2759.

Starfsleyfin eru gefin út í samræmi við 6. gr. í I. kafla laga nr. 7/1998, um hollustuhætti og mengunarvarnir. Breytingar á starfsleyfunum öðlast gildi þegar útgáfa þeirra er auglýst í B-deild Stjórnartíðinda.

Reykjavík, 8. desember 2000.

Hollustuvernd ríkisins,

Leifur Eysteinnsson forstjóri.

Davíð Egilson
forstöðumaður.

REGLUGERÐ

um breytingu á reglugerð um vöruhappdrætti Sambands íslenskra berklasjúklinga, nr. 372 25. október 1976, með síðari breytingum.

1. gr.

Heiti reglugerðarinnar verði:

Reglugerð um vöruhappdrætti Sambands íslenskra berkla- og brjóstholssjúklinga.

2. gr.

13. gr., sbr. reglugerð nr. 708/1997, breytist þannig:

- a. Við greinina bætist tvær nýjar málsgreinar sem verði 3. og 4. mgr., svohljóðandi:
Stjórn happdrættisins er heimilt að ákveða að í einum flokki hvers happdrættisárs sé dreginn sérstaklega út tiltekinn fjöldi vinninga samkvæmt vinningaskrá með vali tveggja stafa talna.

Valið fer fram með notkun átta hólfa stokks og er sú tala, sem fram kemur og síðustu tveir stafir mynda, skráð. Lesið skal frá þeim enda stokksins sem fjær er snúningshnúð. Val er endurtekið þar til tilskilinn fjöldi talna hefur fengist. Tölurnar verða hluti af vinningaskrá, en þær vísa til síðustu tveggja tölustafa í hverju miðanúmeri. Þau miðanúmer sem þannig er vísað til eru vinningsnúmer.

- b. 3. mgr. verði 5. mgr.

3. gr.

Reglugerð þessi, sem sett er samkvæmt lögum um vöruhappdrætti Sambands Íslenskra berkla- og brjóstholssjúklinga, nr. 18 22. apríl 1959, með síðari breytingum, öðlast gildi 1. janúar 2001.

Dóms- og kirkjumálaráðuneytinu, 8. desember 2000.

F. h. r.

Björn Friðfinnsson.

Fanney Óskarsdóttir.

20. desember 2000

Nr. 937

REGLUR

um takmörkun á starfsréttindum tannsmíða.

1. gr.

Er tannsmíðir hafa öðlast réttindi til starfa á eigin ábyrgð samkvæmt lögum nr. 109/2000 um starfsréttindi tannsmíða og reglugerð á grundvelli laganna eru réttindin takmörkuð varðandi smíði tannparta samkvæmt reglum þessum.

2. gr.

Sé viðskiptavinur tannsmíðs með réttindi skv. 1. gr. með eina eða fleiri eigin tennur í munnholi og tannsmíður telur, að athugun og eftir atvikum mótatöku hans lokinni, að smíða þurfi tannpart í viðkomandi skal tannsmíðurinn, áður en eiginleg smíði tannpartsins hefst, vísa viðskiptavininum til tannlæknis til skoðunar á tönnum, munnholi og kjálkum og nauðsynlegrar forvinnu í því sambandi.

Gengið skal frá samstarfi tannsmíðs og tannlæknis um smíði tannparta skv. 1. mgr. skriflega áður en eiginleg smíði hefst af hálfu tannsmíðs og skal gerð smíðaáætlun sem tannsmíðurinn og tannlæknirinn semja um sín á milli.

Þrátt fyrir ákvæði 1. mgr. getur tannsmíður endursmíðað tannparta í viðskiptavini skv. 1. mgr. án þess að vísa þeim til tannlæknis ef tannlæknir hefur skoðað hann á síðustu tólf mánuðum og endursmíði fer fram í samræmi við áður gerða smíðaáætlun.

3. gr.

Tannsmíður með réttindi skv. 1. gr. má einungis samkvæmt fyrirmælum og undir eftirliti tannlæknis framkvæma ísetningu og breytingu á þeim bráðabirgðatannpörtum og tannpörtum sem festir eru við tannplanta í kjálkum eða við einingar sem felldar eru inn í gervitannkrónur eða í innlegg í eðlilegar tennur.

4. gr.

Reglur þessar, sem settar eru með heimild í 3. gr. laga nr. 109/2000 um starfsréttindi tannsmíða, öðlast þegar gildi.

Iðnaðarráðuneytinu, 20. desember 2000.

Valgerður Sverrisdóttir.

Jón Ögmundur Þormóðsson.